

ZAKLJUČAK

Predlaže se da Turistički ured Tešanj kao podružnica Turističkog ureda Zenica, delegira u sklopu razvoja, unapređenja turističkih potencijala općine Tešanj i „Izletište Jaruge“ u MZ Šije u koje je lokalna zajednica Šije i udruženje građana uložila određena sredstva i doveli ga u stanje da ima status izletišta (igralište, voda, struja, klupe i dr.) ali je sam prilaz izletištu loša putna komunikacija.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

**Broj: 01-22-5-343-4/15
Datum: 03.03.2015.godine**

Općinsko vijeće Tešanj je na svojoj 27. sjednici održanoj dana 27.02.2015. godine, razmatrajući Izvještaj o radu Komisije za provođenje postupka za imenovanje člana Općinske izborne komisije, donijelo sljedeći

ZAKLJUČAK

Usvaja se Izvještaj o radu Komisije za provođenje postupka za imenovanje člana Općinske izborne komisije.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

**Broj: 01-0-1-3-1982-11/15
Datum: 03.03.2015.godine**

Općinsko vijeće Tešanj je na svojoj 27. sjednici održanoj dana 27.02.2015. godine, razmatrajući Izvještaj o radu Komisije za provođenje postupka za imenovanje člana Općinske izborne komisije, donijelo sljedeći

ZAKLJUČAK

Prihvata se prijedlog vijećnika Harisa Jašića i Fadila Halilovića, da se za člana Općinske izborne komisije imenuje Muamer Omahać.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

**Broj: 01-0-1-3-1982-10/15
Datum: 03.03.2015.godine**

Na osnovu člana 15. stav 1. tačka 7. Zakona o principima lokalne samouprave u Federaciji BiH („Službene novine Federacije BiH“, broj 49/06), člana 30. stav 1. tačka 11. Statuta Općine Tešanj („Službeni glasnik općine Tešanj 11/07) Općinski načelnik donosi

**ODLUKU
o dopuni Odluke o organizaciji
općinske uprave**

Član 1.

Ovom Odlukom vrši se dopuna Odluke o organizaciji općinske uprave broj 02-02-1-2611/13 od 30.09.2013. godine, opis poslova Službe za društvene djelatnosti i investicije, Odjeljenje za zajedničke poslove, član 4. tačka c) na kraju teksta dopunjuje se rečenicom koja glasi:
“- obavlja poslove održavanja ispravnosti, urednosti i čuvanja vozila, izuzev namjenskih vozila civilne zaštite”.

Član 2.

Opis poslova Službe civilne zaštite, Odjeljenje zaštite od požara i vatrogastva - profesionalna vatrogasna jedinica, član 9. tačka b) na kraju teksta dopunjuje se rečenicom koja glasi:
“-obavlja poslove državanja ispravnosti, urednosti i čuvanja vozila civilne zaštite”.

Član 3.

Opis poslova Službe za boračko-invalidsku zaštitu i opću upravu, Stručni Odjel Općine, član 10. tačka c) na kraju teksta dopunjuje se rečenicom koja glasi:
“- obavlja poslove javnih nabavki u skladu sa Zakonom o javnim nabavkama”.

Član 4.

Ova odluka stupa na snagu danom donošenja, a primjenjuje se od 16.02.2015. godine, te će se objaviti u „Službenom glasniku Općine Tešanj“.

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj: 02-02-1-2611-2/13

Datum: 12.02.2015. godine

Na osnovu člana 10. Stav 1. tačke d. Zakona o javnim nabavkama BiH ("Službeni glasnik BiH", broj: 39/14), a u skladu sa članom 18. stav 2. Zakona o javnim nabavkama BiH ("Službeni glasnik BiH", broj: 39/14), člana 30. Statuta općine Tešanj (Službeni glasnik općine Tešanj" broj:11/07), općinski Načelnik, donosi:

**O D L U K U
o izuzimanju od primjene
Zakona o javnim nabavkama**

Član 1.

Nabavka: poštanskih usluga, telekomunikacijskih usluga (fiksne mreže), grijanja i usluga vodovoda i kanalizacije se izuzimaju od primjene Zakona o javnim nabavkama ("Službeni glasnik BiH", broj: 39/14) i internog Pravilnika o postupku direktnog sporazuma općine Tešanj broj:02-2-1-391/2015 od 20.02.2015.godine.

Član 2.

Procijenjena vrijednost za 2015.godinu nabavki za:

- poštanske usluge iznosi: 48.000,00 KM (slovima:četrdesetosamhiljada i 00/100 KM),
- telekomunikacijske usluge (fiksne mreže) iznosi: 30.000,00KM (slovima:tridesethiljada i 00/100) KM,
- usluge grijanja iznosi: 90.000,00 KM (devedesthiljada i 00/100 KM),
- usluge vodovoda i kanalizacije iznosi: 13.000,00 KM(trinaesthiljada i 00/100 KM).

Član 3.

Sredstva za predmetne nabavke iz člana 2. ove Odluke isplatit će se iz planirane stavke budžeta općine Tešanj za 2015. godinu.

Član 4.

Provedene nabavke iz člana 2. ove Odluke će se redovno izvještavati na mjesečnom nivou, putem informacionog sistema „E nabavke“ Agencije za javne nabavke BiH, u skladu sa izvještajima, koji se odnose na izuzeće od primjene Zakona o javnim nabavkama.

Član 5.

Izvještaji iz člana 4. realizovati će se u roku od 30 dana od dana dostavljanje fakture od strane dobavljača.

Član 6.

Ova Odluka stupa na snagu danom donošenja a objavljuje se u "Službenom glasniku općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj:02-02-1-531/15

Datum: 05.03.2015.godine

Na osnovu člana 90. Zakona o javnim nabavkama ("Službeni glasnik BiH" broj:39/14), Pravilnika o postupku direktnog sporazuma ("Službeni glasnik BiH" broj:90/14) te člana 30. Statuta općine Tešanj (Službeni glasnik općine Tešanj" broj:11/07) općinski Načelnik donosi:

**P R A V I L N I K
o postupku direktnog sporazuma**

Član 1.

(Predmet Pravilnika)

Ovim Pravilnikom se definiše postupak javne nabavke, roba, usluga i radova putem direktnog sporazuma iz člana.90 Zakona o javnim nabavkama (u daljem tekstu: Zakon).

Član 2.

(Uslovi za primjenu direktnog sporazuma)

(1) Postupak direktnog sporazuma se može provesti kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM.